

Voggevise (frå havkanten)

Milde makter bak stjernebru,
Veik ei vesal skute
Vern den vesle mot havsens gru
Far er om bord der ute

Stjerner, lys over leia hans
Grunnbrott i natta blinkar
Fyll hans augo med stjerneglans
Draugar frå skjeret vinkar

Linne vindar stryk inn frå sør
Skuta på skjeret driver
Kjel hans kinn, gjev han lagleg bør
Tungt ho i hav seg hiver

Lange, duvande båredrag
Stammen står høgt i veret
Vogg han lint når det lir av dag
Jarnkjølen hogg i skjeret

Vogg han varleg og gje han fred
Skavlane glefser grådig
Kvil deg, hav, no gjekk sola ned
Gud vere sjela di nådig.